

*Loc.* Frequens est locis aridis sole expositis inter alpes, neque in *Liguria*, & editioribus montibus Comitatus *Nicaensis* desideratur. *Sabaudiae* indigenam plantam esse, atque frequenter ab Oppido *Braman* ad *S. Jean de Maurienne* juxta viam crescere jam dudum adnotavit *BOCCONE*. *PERENNE*.

*Obs.* Receptaculum habet alveolatum cum aliquot pilis, qui tamen non jubeant ad *Andryalae* genus referre. Calyx fere ex unico ordine squammarum cum aliquot ad basim accessoriis, qualis certo est in plurimis *HIERACII* speciebus. In *Liguria* folia profert non tantum dentata, sed angulato-laciniata, ita ut alia planta videatur.

792. *HIERACIUM* amplexicaule *tab. 15. fig. 1. & tab. 30. fig. 2.*

*ICON. TAUR. Vol. XII. tab. 65. f. 2. 3.*

*Hieracium foliis amplexicaulibus cordatis subdentatis, pedunculis unifloris hirsutis, caule ramoso.* *LINN. spec. p. 1129.*

*Hieracium foliis ovato-lanceolatis rariter dentatis, caulinis amplexicaulibus.* *HALL. hist. tom. 1. n. 36.*

*Hieracium pyrenaicum rotundifolium, longifolium amplexicaule.* *TOURN. inst. p. 472.*

*Hieracium foliis radicalibus ovato-lanceolatis acutis basi dentatis, caulinis hastato-cordatis amplexicaulibus.* *GOV. illustr. p. 58.*

*Hieracium (pulmonarioides) foliis ovatis subdentatis hirsutis, pedunculis proliferis, calycibus glandulosis.* *VILL. prosp. p. 36. tab. XII. f. 2.*

*Loc.* E rupium fissuris, atque etiam in locis lapidosis praesertim ad alpium radices. *PERENNE.*

*Obs.* Insigniter haec planta variat non modo latitudine, & longitudine foliorum, atque dentium numero, sed etiam foliorum crassitie. *Tab. 30. fig. 2.* exhibet varietatem, cujus folia longe tenuiora sunt, & nigris maculis notata.

793. *HIERACIUM* intybaceum. *JACQ. Fl. Austr. app. tab. 43.*

*ICON. TAUR. Vol. XXVIII. tab. 75.*

*Hieracium (albidum) foliis eroso-ligulatis hispidis, caule subdichotomo paucifloro.* *VILL. prosp. p. 36. tab. XIII. f. 2.*

*Hieracium foliis oblongis asperis lanceolatis dentatis, calyce hirsutissimo.* *HALL. hist. 1. n. 41.*

*Hieracium intybaceum, flore magno albedo.* *BAUH. prodr. p. 65. SCHEUCHZ. it. 4. p. 336.*

*Loc.* In summo jugo *Col de la Rou* versus *Modane*. *PERENNE.*

*DESCR.* Ex una radice plures caules nascuntur pedales rotundi virides non sulcati fere ab imo ad summum ramosi, ramis saepe iterum ramosis, secundis ramis unifloris, flore terminali magno. Folia sessilia, sed ima petiolata videntur, petiolo lato, folio per petiolum decurrente. Folia lanceolata, costa alba magna instructa in ambitu quinque, aut sex, aut septem dentium paribus pinnata. Ex alis foliorum solent rami prodire. Tota planta densis pilis barbata per aetatem nigrescentibus, & globulos viscidiae resinae ferentibus. Folia secta de more gentis lac fundunt. Tota planta viscosa est. Folia obscure virent. Calyx interior ex numerosis erectis lanceolatis squammis paralellis compositus, aliae inaequalis longitudinis, & inaequali situ nascentes calycem exteriorem faciunt. Duae bractee, aut squammae etiam reliquis longiores prope florem in summo pedunculo extant. Pedunculi de reliquo nudi sunt, & sub flore non incrassantur. Receptaculum profunde alveolatum. Pappus simplex semine duplo longior. Flos sulphureus; semiflosculi breves; tuba mulrum supra florem elata, supra bifida. Folia ramea, saepe linearia integerrima. In nostris alpibus numquam eam amplitudinem folia acquirunt, quam *Icon Cl. JACQUINI* exhibet.

794. *HIERACIUM* grandiflorum *tab. 29. fig. 2. & 3.*

*ICON. TAUR. Vol. XII. tab. 15.*

*Hieracium foliis lanceolatis, serratis, hirsutis, calycibus villosis.* *HALL. hist. tom. 1. n. 4.*

*Hieracium maximum, asperum conyzae folio C. B.*

*Hieracium latifolium montanum Genevense J. B. H. p. 1026.*

*Hieracium ramosum magno flore.* *BAUH. prodr. p. 65.*

*Hieracium (pappoleucon) foliis lyrato-spatulatis, retrorsum dentatis, caulinis auritis amplexicaulibus, caule sulcato, apice viscoso paucifloro,* *VILL. prosp. p. 30. tab. 10. f. 2.*

*Loc.* Ubique in pratis alpium frequens. *PERENNE.*

*DESCR.* Caulis ramosus brachiatus, ramis unifloris, crassus, profunde sulcatus, sulcis novem, aut decem rigidus. Planta tota pilosa aspera. Calyx ovatus, torosus a maturis seminibus ventricosior. Folia semiamplexicaulia, longis dentibus auriculata, ad ramos lanceolata. Pedunculi subnudi, sive uno, alterove foliolo donati. Calyx ex unico ordine squammarum concavarum carinatarum: iis ad basim accedunt squamulae longae minores, alternatim dorso majorum squamarum appressae. Pappus sessilis, pilosus, seminibus brevior. Semina complanata, striata incurva linearia. Figura tertia exhibet varietatem humiliorem, & viscosam.

*OBS.* Suspicio cum nostro idem esse *HIERACIUM* illud, quod *CL. HALLERUS* (*hist. plant. n. 40.*) dixit *HIERACIUM foliis lanceolatis serratis hirsutis, calycibus villosis.*

795. *HIERACIUM* spicatum. *tab. 27. fig. 1. & 3.*

*ICON. TAUR. Vol. XV. tab. 98. fig. 2.*

*Hieracium caule multifloro, foliis amplexicaulibus pilosis rariter dentatis. HALL. hist. p. 43.*

*Hieracium caule folioso, foliis amplexicaulibus, ovato-lanceolatis hirsutis dentatis, floribus spicatis. HALL. Emend. 3. n. 252.*

*Hieracium* (prenanthoides) caule recto summo conice ramosissimo, foliis ellipticis hirsutis, basi amplexicaulibus. *VILL. prosp. p. 35. tab. 9. f. 2. & tab. 10. fig. 1.*

*Loc.* In sylvis montanis, & locis macilentis ad oras sylvarum frequentissimum. *PERENNE.*

*DESCR.* Nostram stirpem *Hallerianam* esse puto ex fide speciminis sicci ab eodem praestantissimo Viro ad me missi. Folia radicalia utique dentata sunt, sed caulina apud nos integra, aut vix denticulata, semiamplexicaulia, ad basim rotundata, ovato-lanceolata, supra obscurius virentia, atque exsiccata nigra evadunt. Ex alis foliorum ramuli florigeri. Calyx nigris pilis barbatus subcylindricus. Tota planta brevibus pilis hirsuta est.

796. *HIERACIUM* sabaudum. *tab. 27. fig. 2.*

*ICON. TAUR. Vol. XI. tab. 108. & Vol. XIV. tab. 46.*

*Hieracium foliis hirsutis dentatis, inferioribus ellipticis, superioribus ovato-lanceolatis. HALL. hist. tom. 1. n. 35.*

*Hieracium caule erecto multifloro, foliis ovato-lanceolatis dentatis semiamplexicaulibus. LINN. spec. p. 1131.*

*Hieracium caule ramoso, continue folioso, foliis ex cordato-lanceolatis denticulatis amplexicaulibus. GMELIN. Fl. Sibir. II. n. 30. tab. 14.*

*Hieracium caule erecto multifloro, foliis lanceolatis dentatis. ROY. Leyd. p. 124. n. 8.*

*Hieracium caule multifloro, folioso, foliis lanceolatis dentatis, dentibus glandulosis. SCOP. Fl. Carn. p. 391. n. 10. ed. 2. n. 972.*

*Hieracium fruticosum, latifolium hirsutum. BAUH. pin. 129. Tourn. inst. p. 472.*

*Hieracii sabaudi varietas I. Erinus quibusdam Matthioli dicta. BAUH. hist. II. 1030.*

*Loc.* In pascuis montanis, & locis lapidosis ad vias non infrequens praesertim in *Sabaudia*, atque similibus locis in monte *Vesulo. PERENNE.*

797. *HIERACIUM* umbellatum.

*ICON. TAUR. Vol. XXIII. tab. 19.*

*Hieracium foliis linearibus subdentatis sparsis, floribus subumbellatis. LINN. spec. p. 1131. HALL. hist. tom. 1. n. 34.*

*Hieracium fruticosum angustifolium majus. BAUH. pin. 129.*

*Hieracium rectum rigidum dictum Sabaudum. BAUH. hist. II. p. 1030.*

*Hieracium Sabaudum. DALECH. hist. 570.*

*Loc.* Ad oras sylvarum, & locis saxosis in collinis editioribus, & montanis locis. *PERENNE.*



F. 1

F. 2

F. 3

*Scirpus urens*

*Hieracium grandiflorum*

*Hieracium grandiflorum*